



Australian Government
Department of Health

Korunaváires (KOVID-19) or Pabondi Ókkol Aásán Gorá

Australia ye kamiyabir sáñte ‘beartham fára homaiyé’. KOVID-19 or nuwa mamela ókkol ór gonti Australiat fotti ek din ot beci niso. Váires ibár fóilá re támaibólla añáráre modot goijjé dé pabondi ókkol kessú ré aásán goribólla añará ehón húcíyar kodom ókkol bará cúru goríariyúm.

Australiar alog alog híssa ókkol ót KOVID-19 keén gorí fóille dé hían ot héçe forók forók asé. Ekkán nuwa 3-kodom plan e pabondi ókkol aásán gorár híkka rasta dehár. Raizzo ókkol adde elaka ókkol é kodom ókkol ór mazé hórkot goríbo alog alog thaim ot mazé, hítarar umumi sehéti abostá adde mokami hálat ókkol motafek.

3-kodom Plan

Australian Health Protection Principal Committee or mahár mocwarar uore plan gán or buniyad diya giyé, ham gorá adde tákar KOVIDMaháfuz torika ókkol keén gorí kayem gorázaibo de hían or babote.

Foóila kodom ókkol óiye dé ehététáti. Yaán dorhari de ki añará joldi hórkrét nogoróonsá ar añará faiyi dé moidan oré nohároonsán. Foóilá kodom ókkol iín é añáráré fémilí ókkol adde dustó ókkol loi muká-mukí tallukat juçibár mouka ókkol dibo.

Aró beci gorí manúic zoma adde aró hazharbar ókkol dubara kúlar sáñte héçe uore dusóra kodom ókkol óre barázaibo. Tesóra kodom ókkol é táká adde ham gorár lamba-thaim KOVIDMaháfuz torika ókkol óre furafuri apna cúru goríbo. Yaán añárá ‘nuwa maamuli’ (zibon) óibó ze hálot ot váires gwá ekkán hótóra hísafe baki tákíbo.

Jísími duuri adde bálá sófáyir amól gorá ar aram nolagilé gór ot tákíyóre, añárá mozbut eradar zoriya fotti ek kodom ottú añárá boldiyar zorurot asé. Añárá fémilí ókkol, dustó ókkol ar sómáj ókkol óre KOVIDMaháfuz rakíte yaán é modot goríbo.

Jisími Duuri

Zeñétte zeñétte ar zeçé zeçé añará fari, oinno zon loi homot 1.5 mithár añaráttu duré tákóonsá. Zodi bazargwa morkoz ókkol yá umumi zaga ókkol ót manúic ór jam óile, zían é añárar duuri baki raká ré mockil banaide, tofle hé zagat nogóillo. Arekbar zaiyo zehón beci duadi notákíbo.

Bálá sófáyi

Bálá sófáyi ye korunaváires fóilá ré ruké. Tuñár duní hát niyom mote sábún ar faní loi dúiyó ar tuñár muk nodóijjó, ar tuñár hát or zagat tuñár kinkini algwal di hañcite yá háñccaité monot raikkó.

Gór ot tákó zodi tuñúi bearam ar theés goró

Hámicá ttu aró beci, yaán dorhari deki tuñúi gór ot tákó zodi tuñáttu sórdi yá flu kisím or alamot ókkol asé. Zodi tuñáttu zor, hañc, gola bic, baçi niyác táké, korunaváires theés goró.

KOVIDMaháfuz App Iamo

Zodi ehón tuñáttu notákíle, meérbáni gorí KOVIDSafe app gwá Iamo. Korunaváires ola ekzon manúic loi milzúl goijjé dé manúic ókkol óre zanai diyar torika joldi goríyóre app ibá yé umumi sehét ofísíel ókkol ór modot goré.

KOVIDMaháfuz Australia

Añárar kamiyabir buniyad añará nazor uore zehón añárar salsolon ókkol iín óre añárar fotti dinna zindegí ókkol ór híssa banaiyúm. Zeñétte zeñétte tuñúi gór óttu neelibá, tuñár nizoré, fémilí, dustó ókkol ar sáñti-hammwa ré keén gorí maháfuz rakíba dé hían óre báfiyo. Tuñúi ki gorór ar hían óre hoñótte gorór dé hían ór babote húciyar ekteyar ókkol goijjó.

Tuñár elakar taza maalumát adde tottoza pabondi ókkol ór hóbór raikkó. Taza mocwara faibollá [Australia.gov.au](https://www.australia.gov.au) yáto fotti ekkán raizzo adde elakar link ókkol ot gólisoó. Tuñúi Wotóni Korunaváires Modotlain ore 1800 020 080 ot arnóile torjoma adde buzái diyar hédmot óre 131 450 ot koól ó gorífaribá.